

摘藻堂四庫全書薈要

經部

欽定四庫全書薈要

經部

欽定周官義疏卷四十八

詳校官編修臣程嘉珌




欽定四庫全書薈要卷二千四百十一

經部

欽定周官義疏卷四十八

禮器圖四

車




案車箱謂之輿輿前設較式轎軹轡兩旁為轎後空以便乘箱底有版四旁夾以木曰軫箱板下以轆與任正承之轆又謂之伏兔在箱底之中上承箱板下制車軸其尾直達車尾轆之前為任正又謂之軌承箱底直達車前陰板揜之詳小戎詩車後建旗詳朱子詩傳車前為輶輶尾為踵自車尾直貫軌前上穹為轅至末下垂鈎衡以駕馬衡橫木也兩端有軛兩服馬夾轅以軛拘之轆下為軸橫貫左右兩轂兩端

有轄又曰轄以鍵轂也轂在輪輻內者短而大在輪輻外者長而小中貫以金為大小穿輪外廓為牙牙與轂以輻合之輻入牙處曰蚤又謂之爪近爪曰骹入轂處曰菑近菑曰股車上有蓋以蔽雨蓋杠曰程蓋頂曰部上貫部下入程者曰達常蓋四面有弓弓根於部上覆以衣旁帷以袞以紃維之此車之大槩也又案陳氏祥道曰容袞帷皆帷裳之異名又陸氏佃曰雜記曰其轄有袞鄭氏曰袞鼈甲邊緣士昏

禮曰婦車亦如之有褱鄭氏謂褱車裳帷褱一而鄭
兩解之豈足據哉褱謂蓋下垂額若今繖簷矣據詩
漸車帷裳帷裳可漸則在下近水與褱不同陸說是
也

兵車




案兵車之制與乘車並同但車右有五兵車建大白
車前樹二盾為異耳樹二盾者小戎詩所謂龍盾之
合是也左氏傳云建大車之輪以為櫓蓋以為衛櫓
則司兵疏所謂五盾之一也考工車六等第有四兵
注云戈殳戟矛皆插車轆疏謂以鐵圍範邪置於轆
之上下乃插而建之據舊圖殳戟皆插於車之左旁
刃邪向前則所謂插於轆者即林所謂兩旁如闌干
之轆也又據司兵注五兵為戈殳戟酋矛夷矛夷矛

三尋高酋矛四尺今補入又舊圖五兵皆載之車左
以保介在右準之則當在車右也易之

旗建車後
說見前圖

大車



案陳氏祥道曰大車兩轅故車人言凡為轅三其輪

崇轍廣六尺此未合鬲長六尺

鬲謂轅端厭牛領者也

轍廣六

尺則與駟車八尺之轍不同鬲長六尺則與六尺六

寸之衡不同是兩轅之車一牛在轅內故鬲短而轍

狹也大車轂長尺五寸圍尺五寸

案記轂長半柯圍一柯有半則圍四

尺五寸徑尺五寸云圍尺五寸誤

輻長四尺五寸渠

牙也

圍二丈七尺

輪崇九尺牙圍尺五寸綆一寸栢車轂長三尺圍二

尺

車人作二柯此誤

輻長三尺渠圍一丈八尺輪崇六尺牙

圍尺二寸綆大半寸轅一丈八尺大車輪高轅長而

轂短小栢車輪卑轅短而轂長大者以其行山澤不

同故也

行山欲長轂長則安
行澤欲短轂短則利

大車牝服二柯有三分

之二則八尺矣羊車二柯有三分柯之一則七尺矣

栢車二柯則六尺矣

俱謂
牝服

栢車較短而轂輻牙長羊

車較長而轂輻牙短者亦以所行之不同也輪人之

牙


駟馬
車

車人謂之渠輿人之較車人謂之牝服輿人

之衡車人謂之鬲輿人之車其箱廣而不方車人之

車其箱方而不廣其制異也

大常



案聶氏崇義曰旌旗之杠皆注旄與羽於竿首故夏采注以旄牛尾綴於幢上阮氏梁正等圖旗首為金龍頭唐志云金龍頭銜結綬及鈴則古注旄及羽之遺制與

案爾雅素錦綢杠等制下龍旗案詳之大常當不異也

又覲禮云天子


乘龍載大旂鄭注大旂大常也王建大常繆首畫日月其下及旒交畫升龍降龍賈疏日月為常交龍為旂是旂與常別也但九旗有定稱亦有通名故左傳三辰旂旗服氏注云九旗之總名故諸侯建之交龍

為旂用九旂亦謂之常也惟天子大常十二旂為異耳大常畫日月又有交龍則諸侯交龍為旂無日月王之大常非直有日月兼有交龍也凡旌旗之杠皆注旄與羽於竿首其杠長九仞其旂曳地 又案書曰厥有成績紀于大常司勲凡有功者銘書於王之太常太常不特以祀天凡拜日禮月祀方明禮四瀆禮山川秋治兵冬大閱皆載焉太常之用廣矣哉又案周禮典命自上公至士其車旗各如其命之數


禮書謂上公建常九旂等是也據此則天子之旗皆十二旂餘則各如其命數故考工龍旂九旂及七旂四旂注以諸侯言之疏以天子所建誤也今據郊特牲王之旂十二旂龍章而設日月則天子之旗不止九旂大常及大赤大白大麾皆十二旂矣其青龍等四旗則如考工旂數以示諸侯以下之等云 又案周禮司常云日月為常交龍為旂熊虎為旗鳥隼為旗龜蛇為旐考工記輅人云龍旗九旂鳥旗七旂熊

虎六旂龜蛇四旂曲禮則云青龍白虎朱雀玄武孔
疏即以輶人九旂七旂六旂四旂言之則三說本一
耳故此下四圖合三說為一以此推之

大赤




大麾



案巾車王象路建大赤革路建大白木路建大麾明
堂位所謂殷之大白周之大赤是也鄭注又以大麾
為夏后氏所建蓋意會言之耳又據鄭注大赤正色
無飾則大白大麾亦無飾可知三旗色異而制同圖
大赤則大白猶是矣惟大麾色黑故別圖之 又案
周禮司常孤卿建旌儀禮聘禮使者使者亦建旌又
司常云通帛為旌注通帛謂大赤從周正色無飾則
即大赤也旂數未聞準以典命如其命數之說則王

之卿六苻公之孤四苻卿三苻侯伯子男之卿則以
次遞殺焉其張繆之孤亦如大赤茲不復贅

旂



案覲禮侯載龍旂弧韜司常交龍為旂考工記龍旂
九旂蓋交畫升龍降龍一象其升朝一象其下復此
侯所建也上公九旂侯伯則七旂子男則五旂上得
兼下下不得僭上也爾雅云素錦綢杠纁帛繆素陞
龍於繆練旒九飾以組維以縷蓋揭旗以杠綢杠以
錦正幅為繆屬繆為旒旒亦曰旒繆以纁則旂綉矣
左傳所謂綉蒨也升龍素則降龍青矣曲禮所謂左
青龍也青陽也素陰也陽在上而降陰在下而升交

泰之道也其旂之長短則諸侯齊軫天子則長如大
常

旗




案西方白虎七宿為金金刑官主殺故守猛莫敢犯
虎居其方以象之參伐六星上下故熊旗六旂其繆
及竿飾則與旂同其旂之長短則所謂大夫齊較士
齊肩也據巾車師都建旗大司馬則軍吏載旗注以
師都為鄉遂大夫疏以軍將至伍長皆軍吏則大夫
士皆得用旗其齊較齊肩則異若天子建之則曳地
諸侯則齊軫又案周禮熊虎為旗曲禮言虎不言
熊考工言熊不言虎蓋曲禮專以居方者言考工專

以極猛者言互文見義一而已與火鳳之不可混為
鳥隼者別

欽定四庫全書


欽定居官錄
卷四十八

旗




案爾雅錯革鳥曰旗郭氏璞注云以鳥皮置竿頭若
禮記載鴻及鳴鳶與此不同禮書非之要之錯者雜
鳥隼之謂陸氏佃以革為隼是也郭注誤又鄭康成
以鳥隼為勇捷以龜蛇為扞難辟害蓋在前者主勇
往在後則貴其能守也

旒




案陸氏以旄北方七宿旂四郭氏璞曰帛全幅長八尺又陸氏佃曰旄色黑以旂少故得用廣終幅若旗旛而上旂多充幅為之則縿不能容必削其幅乃稱據此則帛皆削惟旄全幅也

物




案司常雜帛為物注謂以帛素飾其側蓋殷之
大白無飾物則似之但其側有雜帛之飾為異耳
大夫士建物王之大夫四命士三命以下各視其
命數為此從王之大夫故作四旂

旒





旌




案司常全羽為旒析羽為旌注云皆五采繫之於旒
旌之上疏則以夏翟言之則翟羽也又疏云謂全羽
析羽皆有羽而無帛但二者明在九旗中又鄭注明
言九旗之帛且無帛亦何以謂之旗據司常又云道
車載旒旒車載旌又巾車云象路建大赤木路建大
麾象路道車也又九旗無大赤大麾則焉知旒非大
赤而旌之非大麾雖鄭注以通帛之旌為大赤然鄭
亦以意言之又焉知通帛之不以他色為之而大赤

之必非旋耶但經無明文姑依諸圖圖之而存此備
考


甲



甲




甲



案甲亦曰介亦曰函亦曰鎧甲言猶物之有甲介言猶物之有介函言所以周其身鎧言所以致其愷古者之甲惟以革為之後世加之以金耳考工記曰函人為甲犀甲七屬兕甲六屬合甲五屬犀甲壽百年兕甲壽二百年合甲壽三百年凡為甲必先為容然後制革權其上旅下旅而重若一賈疏上旅衣也下旅裳也屬者續也陳氏祥道曰甲之制腰以上為上旅腰以下為下旅革堅者札長故其屬少其次札短

故其屬多也

冑



案孔氏穎達曰說文曰胄兜鍪也經言甲胄秦始有
鎧兜鍪之名蓋古用革後以鐵為之陳氏祥道云魯
人之胄綴以綫飾以貝文則古胄制蓋亦類此

戟

刺

援

胡

磬折不中矩注謂外句即倨句也

胡中矩疏云胡六寸橫貫三寸直下三寸援七寸半亦三寸橫四寸半向上為磬折

案戟有三鋒刺則鋒之直前者也胡則正方中矩而
下垂者也援則磬折而上達者也賈氏公彥曰必知
三鋒胡向下者三鋒皆向上者無用也觀春秋傳言
衛公戟其肘史言戟手罵之則援上向可知晉人以
戟鉤樂樂而殺之宋狂狡倒戟而出鄭人于井則胡
之下垂者也楚武王荆尸授師子而先儒謂之戟書
一人執殘一人執瞿而先儒以為戟則戟之異名多
矣

矛



案林氏希逸曰廬人云矛三分其長二在前一在後而圍之者謂柄之上二分稍大下一分稍小也五分其圍去一以為晉圍三分晉圍去一以為刺圍者刺圍刺刃之圍也假令圍有五寸去其一而得四則酋矛之下鑄其圍四寸也三分其下鑄而去其一則刺圍二寸六分以上也又陳氏祥道曰廬人矛有刺圍則為刺兵說文曰矛象形則為勾兵蓋矛之為器上銳而旁勾酋言其就夷言其易短者其體就長者其

體易此矛之辨也詩曰二矛重英又曰二矛重喬

毛氏

曰重英矛有飾也喬矛矜鄭氏云矛有畫飾矜及室題縣羽毛

又曰二矛重弓朱英

綠縢則矛之飾以朱而矜室之間飾以羽毛矣鄭氏曰矛戟柄竹攢秘則矛之柄以竹

爰



案陳氏祥道曰舉則取而提之者也被則操而用之者也晉則矜于搢者也首則上而鑄者也以及之長五分之一為之被而圍之則所操者圍也三分其圍去一為晉圍則趨鑄者又殺也晉圍五分去一為首圍則趨鑄者愈殺也圍其所操則非所操者有稜矣鄭氏謂矜八稜是也細而能擊則非竹不可許氏慎謂積竹為之是也

劍

鈔臘臘鈔

脊



夾處後大稍

案劍上制長三尺重三斤十二兩中制二尺五寸重

二斤十四兩三分兩之二下制長二尺重二斤一兩

三分兩之一臘廣二寸五分莖長五寸圍半之首圍

徑一寸三分寸之二陳氏祥道曰劍柄之名六後夾

鼻莖鐔首也劍刃之名三臘脊鐔也所握者為夾在

夾中者曰莖其旁鼻曰鐔帶所貫鼻也夾下大者為後圍

其上以接刃者為首兩刃為臘其中高者為脊其末

殺者為鐔亦謂之鋒鼻亦謂之彘字林又謂之珥

博雅

珥又謂
之鐔

又曰櫝劍匣也夫褫劍衣也

刀



案陳氏祥道曰築氏為削長尺博寸合六而成規桃氏為刃鄭氏曰刃刀劍之屬削今之書刀書曰赤刀大訓孔氏安國曰赤刀赤刃削少儀曰刀卻刃授穎削授拊鄭氏曰穎環也拊把也釋名曰刀到也其末曰鋒若鋒刺之利也其本曰環形似環也然則直而本環者刀也曲而本不環者削也據此則內則之刀當為書刀書刀則削耳蓋對文則曰刀曰削散文則削亦曰刀也


弓



案周禮司弓矢掌六弓王弓弧弓合九而成規夾弓
庾弓合五而成規唐弓大弓合七而成規王弧王之
弓唐大諸侯之弓夾庾大夫之弓王弧則彫之唐大
則彤之荀卿曰大夫黑弓則夾庾黑之可知 又案
弓人職弓之長短強弱因乎人故人有上士中士下
士之別則弓有六尺六寸六尺三寸六尺之制材強
則往體寡材弱則往體多強弱中則體一 又案陳
氏祥道曰說文云弓象形史記曰弓以木為身以角

為面筋所以為深絲所以為固張則筋外而角內弛
則角外而筋內弣把中也簫弓弣也隈其曲也茭其
接也弣或作拊又曰質旁曰剽中曰蔽簫或作弣又曰
珥曰擘曰峻



弩



案陳氏祥道曰凡弩夾庾利攻守唐大利車戰野戰
無王弧者恒服弦往體少者使矢不疾也書曰若虞
機張機弩牙也矢人夾其陰陽以設其比夾其比以
設其羽弓矢比在橐兩旁弩矢比在上下則以括也

矢


箛矢



案陳氏祥道曰弩一而矢五十弓一而矢百鄭氏曰
枉矢殺矢矰矢恒矢弓所用也絜矢殺矢第矢庠矢
弩所用也爾雅金鏃翦羽謂之鏃骨鏃不翦羽謂之
志則金鏃不特鏃矢有之第矢以上皆然故鏃謂之
鏃也君子志於中不志於殺故禮射習射之矢皆謂
之志射必翦羽尚疾也志不翦羽尚舒也尚疾則金
鏃而必其入尚舒則以骨鏃而防其傷鎬錐鉞皆
鏃也括校比皆矢末也聶氏崇義曰弓矢相配強弓

用重矢弱弓用輕矢既唐大彊弱中恒矢軒輊中則
彤旅二矢當恒矢若用之於戰則當枉矢矣又案
陳氏祥道曰詩云象弭魚服陸璣謂魚服魚獸也然
所謂魚服者魚皮之堅者皆可為之不必魚獸而已
司弓矢中秋獻矢箛蓋皮以秋堅也司弓矢田弋充
籠箛矢共矰矢矰矢不在箛蓋欲其繳之不柰也

侯



案侯制有鵠有中有躬有舌

又謂之个

有綱有纆有植侯

中視侯道弓二寸虎侯侯道九十弓二九方廣一丈

八尺為侯中三分侯中而鵠居一方廣六尺以虎皮

畫其形為鵠旁亦以虎皮飾熊侯七十弓豹侯麋侯

犴侯俱五十弓其廣以次而減畫飾各視其皮中之

上下為躬躬倍中虎侯中一丈八尺上下躬各三丈


六尺半當侯中兩旁出侯中各九尺躬之上下曰舌

上舌倍躬廣七丈二尺以半當躬兩旁出躬各一丈

八尺下舌出躬半上舌左右各出九尺合當躬三丈
六尺通廣五丈四尺舌上下各有綱綱以繩為之上
下綱左右各出舌尋上綱廣八丈八尺下綱廣七丈
持綱曰纁左右各廣寸各侯皆準諸此凡侯用布俱
橫設布闊二尺二寸去邊各一寸惟侯中方虎侯中
一丈八尺用布九幅其舌及躬俱高二尺也五正三
正二正以侯中之采色言諸圖畫其大槩惟林氏希
逸就圖加注最為分明但注多不合本位侯中兩旁

又多四豎與各經記傳注義不合故為之改正如右
餘圖亦有未合者並存叅



之



案大射禮謂之乏射人職謂之容爾雅云容謂之防
容之與防皆乏之異名乃唱獲者所蔽以禦矢聶氏
宗義曰乏似今之屏風其制從廣七尺以牛革鞣漆
之凡乏用革大射賓射鄉射燕射等乏皆用革也

決


遂



案決以象骨為之著於右巨指所以鈎弦而開之者也聶氏崇義謂決著於右三指三字乃大字之訛遂射鞬也以韋為之所以遂弦也其非射時則謂之拾拾斂也所以蔽膚斂衣也大射注云遂著左臂裏以遂弦也

物

夾并



案聶氏崇義曰鄉射大射之儀其射物在庠之楹間
若丹若黑而午畫之從者長三尺橫者曰距隨長尺
二寸言距隨者謂先以左足履射物東頭為距後以
右足來合而南面並立曰隨又曰司弓矢云大射燕
射共弓矢并夾注云并夾矢籥賈疏云矢籥之言出
於漢時若王射則射鳥氏主取矢其矢著侯高人手
不能及則以并夾取之

大閱

大艾草以為防

三軍

旌

左自和出車徒列前

初自後表以次及前表

卷一

第一節

百步

步骤

步十五
建雅
步百

步百

1

1

步百

94

—

正五

沙日

1. 1

行

王

大常

如官百

儀廷朝

次由前表徑達豆漿巷
末自後表出和門陳而特

次由前表徑達豆漿巷
末自後表出和門陳而特

旗幟

右自和出車徒列前

大艾草以為防

三軍

大父草以為防

案大閱禮虞人萊所田之野大艾草以為防立四表

南第一表北至第二表百步又北至第三表百步又

北至第四表五十步合二百五十步第四表即後表

也左右足以容車徒司馬建旗後表之中以致衆然

後司徒北面負表誓衆羣吏陳前南面嚮表聽誓遂

鼓行每表作止如法

初鼓行由後表行及第三表皆止坐又鼓行至第二表止坐又

鼓車馳徒走及第一表乃止又三鼓車三發徒三刺乃退此習戰法也

遂以狩田南表

之南為和門門左右有旌羣吏帥車徒由和門出車

徒有屯有司巡之有司表貉於陳前

此在和門外陳前

遂鼓


行而進至田所當止之處而止 又案習戰從後表

起則誓當在後表之北經云羣吏南面聽誓則司徒
在後表之北可知

欽定四庫全書

多
卷四十八


銘 旌



案士喪禮為銘各以其物檀弓銘明旌也以死者為不可別已故以其旗識之注云明旌神明之旌也周禮司常大喪共銘旌注云王則大常又案司常職王建大常諸侯建旂孤卿建旌大夫士建物銘旌亦然但尺數異耳天子九尺諸侯七尺大夫五尺士三尺若不命之士則以緇布半幅長一尺也頽其末長終幅長二尺也緇頽共長三尺廣三寸書銘於末曰某氏某之柩竹杠長三尺置於宇西階上注云杠銘


幢也字栲也栲者兩端連緜木也

重 高



案士喪禮云重木刊鑿之甸人置重於中庭三分庭一在南注云木也縣物焉曰重刊斲治之也鑿之為縣簪孔士長三尺賈疏云木也縣物焉曰重者解名木為重之意以其木有物縣於下相重累故得名重云簪孔者下繫用幹幹即筴也筴者竹之青皮以筴貫二鬲內此孔中言簪者若冠之簪使冠連屬於紒此用幹筴貫鬲連屬內於重木之孔故云

駟主璋璧
琮琥璜




案天地為陰陽之主人之腹背象之故疏壁琮者所以通天地也駟圭璋璧琮琥璜之渠眷疏壁琮以斂尸注云渠眷玉飾之溝瑑也駟讀為組以組穿聯六玉溝瑑之中以斂尸圭在左璋在首琥在右璜在足璧在背琮在腹蓋取象方明神之也疏壁琮者通於天地疏云知於大斂加之者以其六玉所與為飾明在衣裳之外故知在大斂後加之也渠眷者六玉兩頭皆有孔又於兩孔之間為溝渠於溝渠之兩畔稍

高為省瑑故以組穿其中以斂尸也圭在左云云者
約大宗伯青圭以禮東方之等以屍南首而置此六
玉然也置璧於背置琮於腹以背為陽以腹為陰故
隨屍腹背而置之也


案璧在下故
闕而不圖

夷槃



案禮記喪大記云君設大盤造冰周禮凌人大喪共夷槃冰注云夷之言尸也實冰於夷槃中置之尸牀之下所以寒尸也尸之槃曰夷槃牀曰夷牀衾曰夷衾皆依尸而為言者也漢禮器制度大盤廣八尺長丈二尺深三尺漆赤中諸侯謂之大盤與夷槃等其制則有大小也


熬 筐



案禮記喪大記曰熬君四種八筐大夫三種六筐士二種四筐加魚腊焉鄭注云熬者以火熬穀使香以筐盛之設棺旁以惑蚍蜉使不至棺也又鄭注士喪禮曰熬黍稷各二筐又曰設熬傍各一筐大夫三種加以梁君四種加以稻四筐則手足各一餘設於左右加魚腊者案特牲士腊用兔少牢大夫腊用麋天子諸侯無文當用六獸之屬今案用熬筐者或亦以穀氣者人精氣所依置之棺旁亦實口用米實鬲用

飯之意必謂以惑蚘蜉竊恐熬穀易竭而蚘蜉無窮
也迂矣

棺飾



案喪大記飾棺先以纁戴六左右各三繫棺紐着柳骨使固因結六披左右各三各出一頭於帷外人牽之素錦褚覆之如屋上設鼈甲然後加龍帷於上交處纁紐固之左右各三君用黼荒火三列黻三列綠邊畫黼中央設五采齊綴以五貝鼈甲四爪邊隅縣竹器如池以象屋之承雷天子四縣池四爪縣銅魚所謂魚躍拂池也魚下設振容取其振動有容也長大餘以絞繒為之如幡上畫雉柳旁設帷帷即牆君

用龍帷又柳車四輪迫地有輪無輻所謂輻也舊圖諸未合者並正之或云池下有振容池上有揄絞謂君禮亦當有之但據喪大記注以揄為翟謂畫翟於絞繒而垂之以為振容則池下之振容即揄絞矣大夫無揄絞故畫揄於荒所謂池上有揄者如此若謂君禮池上又有揄絞則於經無考不敢妄增又案喪祝疏天子千人執六引在柩車前披在車旁二者別則六披之外尚有六引也補之

龍
翬

黼
翬

戴璧


戴璧

高二尺四寸

柄五尺


垂五采羽

垂五采羽



黻

雲




案聶氏崇義曰喪大記君飾棺黼翣二黻翣二畫翣二皆戴圭大夫士皆戴綏禮器曰天子八翣諸侯六翣大夫四翣又鄭注喪大記引漢禮翣以木為筐廣三尺高二尺四寸方兩頭高衣以白布畫者畫雲氣其餘各如其象柄長五尺車行使人持之而從以幃車既窆樹於壙中障柩天子八翣加龍翣二其戴皆加璧垂羽

欽定四庫全書

欽定四庫全書
卷四十八

遣車




案此明器也。聶氏宗義曰：巾車職云大喪飾遣車，遂
廡之。行之，鄭注云：廡，興也。謂陳駕也。行之，使人以次
舉之，以如墓。一曰：鸞車，用疏布為轡，四面有幃，置於
四隅。鄭云：轡，其蓋也。四面皆有障蔽，以隱翳。牢肉置
於櫛中之四隅。孔賈義云：遣車，謂將葬，柩朝廟畢，將
行，設遣奠，竟取遣奠之牲，臂膊折之，為段，用此車載
之，遣送亡者之入壙也。飾者，還以金玉象革飾之，如
生存之車，但粗小為之耳。知小者，以其人各舉一置。

於柳中之四隅故也

綏



蘇



方 相



案明堂位有虞氏之綏天官夏采掌大喪以乘車建綏復於四郊綏者注所云以旄牛尾綴於幢上幢上者竿首據注王祀四郊乘玉路說則為大常之綏至謂去其旒異之於生者亦注說也


案詳禮記

又聶氏宗義


曰地官鄉師及葬執纛以與匠師御匱而治役注葆也執以指麾輓柩之役正其行列進退也又聶氏宗義曰夏官方相氏掌蒙熊皮黃金四目玄衣朱裳執戈揚盾大喪先匱葬使之前導以卻凶惡也及墓入

壙以戈擊四隅毆罔兩也


斬衰裳




斬 衰 後



裳前



裳
後



案喪服斬衰三年者有衰有裳有首經要經絞帶冠
纓管屨又有負有適有衣帶下有衽有袂有祛其帶
及冠纓皆以苴麻為之所謂斬衰貌若苴也蓋苴為
有子麻最為粗惡故斬衰以之斬者不輯之謂凡服
下齊皆輯惟重服按尺寸截之而不輯故曰斬疏所
謂取痛甚之意也其衣用三升或三升半布八尺八
寸對截為二每幅各四尺四寸又各摺之前後各長
二尺二寸分屬左右以為衣身又用布二幅如前法

屬之衣身以為袂長與衣等所謂袂屬幅者此也袂長二尺二寸而袪僅尺二寸則殺而圓之矣負適者衣之開領處也蓋於衣身二幅開領處各橫裁入四寸合前後為八寸正摺向外以為適適注以為辟領記云適博四寸蓋左右各四寸也其辟領處又別以布屬之以為方領領之下當心者曰袞袞長六寸博四寸當背上者曰負又曰負版負出於適寸蓋適左右合闊八寸負又兩旁各出一寸也其長當比於袞

衰綴於衣身之左而鄭注以為當心者蓋左襟掩右之二寸故得與心相當也又據疏云負縫著領上垂放之則縫衰之法當亦如之矣且衣與裳謂之斬則凡斬衰之辟領負衰皆不輯也餘則輯之經文言斬衰裳衰與裳對舉則所謂衰者謂衣身也然未嘗不用此六寸之衰以名之據鄭云前有衰後有負左右有辟領孝子哀戚無所不在則其制重矣先儒有謂惟斬衰有之者有謂齊衰亦有之者有謂惟孝子乃

有負領者又有謂五服皆當有衰者要而論之負版辟領當獨為孝子之服若衰以表心之哀摧則五服俱應有之不然何以大功小功皆謂之衰又記云凡衰外削幅裳內削幅謂邊幅內外鄉也謂之凡則亦五服共之矣衰衣之制如此記又云衣帶下尺又曰衽二尺有五寸者蓋衣僅及要裳際易露故以長尺之布為衣要以掩裳上際其兩旁下際則以衽掩之衽之制疏謂取布三尺五寸廣一幅留上一尺為正

一尺之下從一畔旁入六寸乃邪向下一尺五寸去
下畔亦六寸橫斷之亦留一尺為正乃分為兩條衽
衽各二尺五寸兩旁皆綴於衣垂之向下以掩裳際
蓋與深衣之衽大略相似裳前三幅後四幅廣終幅
長如其身內削幅下齊亦斬而不輯裳要之下每幅
作三辟積辟積之廣狹準諸要記云裳幅三衤注所
謂辟兩側空中央也又喪服云斬衰冠六升以其冠
為受則受服六升矣齊衰有三年與期及三月之分


其異於斬者惟易三分之布為四升

受八升

變斬而為

輯餘則並同也故不復圖


大功衰裳




案大功以下皆布衰裳齊衰言疏注以疏為粗可知
斬衰并非粗之可言至疏衰始得言粗耳然究不甚
相遠也故特言齊以別之大功以下皆齊矣乃不言
齊而言功以別之者蓋齊斬太粗不足以見人功大
功以下則人功見也然而其功猶粗沽也故又言大
以別於小知大功之猶為粗則知小功之為細并知
總麻之尤細矣大功降服七升正服八升冠皆十升
義服九升冠十一升所受升數如其冠總麻十五升

布抽其半總衰如小功縷成布則四升半耳要之大
功而下去辟領負版而當心四寸之衰及衰外裳內
則五服共之故不多贅

斬衰冠



冠前



冠後

案喪服記斬衰冠六升受冠七升則視衰之升數為

倍之蓋用布二尺二寸布以為冒其布太廣故作三

辟積以攝之喪冠謂之厭者以去纚為紒

詳經文
本案

故

冠卑如厭也冠必有武經言繩纓而不言武蓋武亦

用六升之布如冠以繩屬之為纓也喪服傳冠條屬

右縫外畢鍛而勿灰條屬右縫者纓縫屬於武之右

而結之左也喪冠不綏則以纓結之不垂其餘以為

飾也外畢者冠前後屈而出縫於武也鍛則治之矣

勿灰則猶存其質也舊圖武作粗繩如首經冠梁僅寸許全頂俱露不知人頂幾何能容此兩大楬之相累耶又吉凶雖異事而冒首則一豈有名冒而反露之理且寸許之布亦何用此三辟積為 又案黃氏

榦曰案五服之喪冠其升數

斬衰正服義服冠皆六升齊衰三年杖期與不

杖期降服冠皆七升正服冠皆八升義服冠皆九升齊衰三月冠九升大功殤服大功正服與小功殤服

冠皆十升升大功義服與小功正服冠皆十一及繩纓升小功義服冠十二升緦麻十五升抽其半

之與布纓澡纓

惟斬衰用象麻繩為纓自齊衰三年至小功皆用布為纓緦冠澡纓繩之

大小布之升數未詳右縫之與左縫勿灰之與灰

惟斬衰鍛而勿灰蓋以水

濯之而已勿用灰自齊衰三年以下皆用灰治之總則有事其縷復以灰治之也

其各異者

也至於條屬

屬猶著也著之冠垂之為縷也斬衰則用一條繩齊衰以下則皆用一條布從

額上約之至項後交過兩廂各至耳綴之為武其餘垂而結之頤下者為纓

外畢

外畢者冠前後

兩頭皆在武下向外出反屈之

辟積之數自斬至總其冠皆三

辟積則同故以一冠槩之又曰大功以上辟積之縫左

縫小功右縫


帶絞衰斬




經首衰斬



帶布衰齊



經要衰斬



案喪服斬衰苴經絞帶齊衰牡麻經布帶大功小功則言牡麻經而不言帶總麻并不言經要之皆有經及帶也經有二一曰首經一曰要經要經以象大帶斬衰首經以苴麻傳謂苴經大槨去五分一以為帶帶即要經也齊衰之首經其數同又去五分一以為帶大功之首經數同又去五分一以為帶小功之首經數同又去五分一以為帶總麻之首經數同蓋降殺以兩也要經之下又有絞帶以象革帶王氏肅以

為大如要經惟雷氏以為比要經又五分去一是也

斬衰經帶皆苴麻齊衰以下皆牡麻總麻三月以澡

麻絞帶皆以布其升數則遞降焉

齊衰七升八升九升大功十升十一

升小功十升十一升十二升總十五升抽其半

斬衰首經有繩纓下本在左

齊衰以下右本在上大功以上有纓小功以下無纓


其大槩如此朱子曰首經右本在上者齊衰經之制

以麻根處著頭右邊而從額前向左圍向頭後却就

右邊元麻根處相接即以麻尾藏在麻根之下麻根

搭在麻尾之上綴殺之有纓者以其加於冠外故須著纓方不脫落也又問經帶之制曰首經大一搯只是拇指與第二指一圍要經較小絞帶又小於腰經腰經象大帶兩頭長垂下絞帶象革帶一頭有彊子以一頭串於中而束之又曰革帶是正帶以束衣者不專為佩而設大帶乃申束之爾

杖苴




杖削



案周禮肆師禁外內命男女之衰不中法者且授之杖夫衰言法則杖亦言法矣喪服言苴經杖疏謂苴麻為首經要經苴竹為杖竹謂之苴者大雅疏所謂苴草木之枯槁者則苴杖亦竹之枯者與喪服傳苴杖竹也削杖桐也杖各齊其心皆下本禮記問喪云為父苴杖為母削杖又喪服疏以斬衰之杖為苴杖以齊衰之杖為桐杖此不特父母之喪也以推之君后及夫婦之喪凡斬衰之杖皆苴齊衰之杖皆削矣

削者削而圓之如竹喪服小記疏所謂子為父禮申
痛自然圓足削杖用桐者明其外雖被削而其心本
同也又喪服小記經殺五分而去一杖大如經如經
則圓可知自孔賈之流創為桐杖方以象地之說書
儀家禮又以桐杖為上圓而下方則益無謂矣

履管



案傳云菅屨菅非外納也在周公時謂之屨在子夏時謂之菲其實一也菅屨謂以菅草為屨菅白華也已漚為菅外納者向外編之也疏屨者粗屨也傳曰疏屨者薦蒯之菲也薦蒯皆草名案斬衰言菅屨見草體舉惡貌其服重也齊衰言疏屨舉草之總稱其服輕也自此不杖期則言麻屨齊衰三月則與大功同繩屨小功緦麻不言屨要皆各因其差降之宜也又檀弓曰喪屨無紃

欽定周官義疏卷四十八



覆校官庶吉士臣茅元銘

校對官庶吉士臣王坦修

膳錄監生臣吳紹恩

繪圖監生臣勵守淳